



Le Wiesen mäss se trá ite les manies cuntra le La Val. Al á mancé püch da porté a ciasa le prüm punt de campionat.

L'ultim fin dl'edema s'á la formaziun de Costabiei metü sön le lunch trü por jí a Wiesen a se mosoré cun la squadra de ciasa. Na partida ria sön le papier, conscidran les prümes döes devëntes pesoces dai avversars te campionat. I ladins röia te ciamp a boc cun carater y fej asuié le Wiesen denant co arjunje le vantaje. Cun deplö determinaziun y ince en pü de fortuna fossel garaté da porté a ciasa almanco un en punt.

A rové por prüms dan porta avversara é le La Val, cun na bela aziun dal mezciamp röia Michele C. da na pert ite sú cuntra porta, al chira le compagn te area mo le curan vegn delot dal defensur te ciantun. Ala cherd'ora pëia ia na trata dal ciantun te area dl Wiesen, le sogadú a mezciamp Max é bun de spizuré le palé cun la piza dl pé de n pulan dlungia le pé de porta ia. Le Wiesen se descëda ince y costruësc de beles aziuns asveltes, al 25^a röia l'atacant bel sú

dan porta ladina, Sepl indere tēgn sō la trata cun savei. Atira do sōn trata dal ciantun rōia le sterch Hochrainer a rebat de cé, le pale por fortūna rōia de pūch nia te rēi. Al 37^a fej l'atach avversar ciamó tromoré la porta con na trata sēcia sōn le pé.

Tla prūma pert dl secundo tēmp se destūda ia la formaziun ladina, i avversars ti sciampa plō iadi y rōia a plō contlujiuns, impormó al 62^a rōia indere le vantaje. Sōn na trata debla dl Wiesen ti sciampa al portier ladin le curan fora dles mans, l'atacant avversar apogēia le palé cuntra porta, al'ultim pro ciamó i defensurs dla trá demez mo vėgn antizipá al'ultim dal'atacant Holzer che splundra te porta. Le La Val crēi inant y á na buna ocasiun al 80^a: Alex E. vėgn sorví al limit da Michele, al controlēia bun y se gira ala trata, le portier mēss se destrá por deloj te ciantun. I menūc por recuperé la partida vėgn tres manco y la defenjiun de ciasa fej bun só laur y ti conzed pūch y nia ai ladins. Insciō resta ince tla terza partita i ladins a sūt.

Wiesen – La Val 1-0

Formaziun La Val: 1. Sepl Kantioler, 2. Thomas Ploner (dal 75^a Natan Colletta), 3. Michele Campeï, 4. Max Nagler, 5. Paolo Vallazza, 6. Denis Erlacher (dal 75^a Martin Ploner), 7. Philip Moling (dal 70^a Simon Campeï), 8. Stefan Sottara – capitan, 9. Christian Terza (dal 80^a Walter Complojer), 10. Alex Elzenbaumer, 11. Alex Ploner (dal 80^a Alex Rubatscher)

Proscima partida: La Val in duman sabeda dales 15:00 te ciasa cuntra le Pretau

Atri resultac:

Altherren (La Val): Schabs – La Val: 1-4

U-13 (La Val/ Alta Badia): Obopuschtra – La Val: 8-1

U-11 (La Val): Ahrntal – La Val 13-0

U-9 (La Val): Gais/Uttenheim – La Val 7-0